

Ta Ko Renaaj Waļok Eļañņe Opiij Eo An DCFS Enaaj Bōk Kuņaan Ippān Ajiri Eo Nejim Im Baamle Eo Am?



**Ra eo an Arkansas Human Services
Division of Children and Family
Services
(Teeñin Jikin Jipaņe Ajiri im
Baamle)**

***KEA*KILAAK*JEMDO**

Kōtōpar eo an opij in ej ñan kōjparok im jipaņ baamle ko.
DCFS enaaj kōtļok an baamle im jōdikdik ro bōk kuņeer im
kōjērbal jikin jipaņ ko ilo jujuk in pād eo ñan jipaņ
mama/baba ro lale ajiri ro nejier.
Kōm naaj lolorjake kōjparok eo, pād eo, im mour eo an ajiri
im jōdikdik ro.

PUB-11 (08/2013)

Boqok jidikdik in ej ñan jinite eok kin ta enaaj waļok ñan kwe im ajiri eo nejim elaññe opiiij eo an DCFS enaaj kepaak kom. Jejelā ke iien in emaroñ kanooj pen ñan kom, ak jej pād ijin ñan ad jipañ. Ej kōṇaan eo ad in bwe aolep ajiri ren maroñ rūttoļok ilo juon em eo ewōr kōjparok im iakwe ie, im bwe ren rūttoļok im eorom armij wāmourur im ļap aer bōktak. Jenaaj jermal ippam bwe en tōprak kōtopar in. Boqok jidikdik in ej kelaajrake jermal im edo ko an armij ro kajojo, ro im wāween kein rejelōt er. Bareinwōt boqok in ej kwaļok makūtkūt ko renaaj waļok ilo iien eo kwōnej jede iman

mejen jāj (*imōn ekajet*) eo. Ilo itulikin boqok in, kwōnaaj loe juon elaaajak in bokābilāere (*kain-naan ko*) im meļeļe ko aer ñan am kōjermal.

Meñe ijo emantata ñan juon ajiri ej ippān baamle eo an, ewōr jet iien bwilijmān ro ak opiiij eo an DCFS renaaj aikuj kōmakūti juon ajiri jen ippān baamle eo an bwe en pād ilo tiljōk. Jabdewōt iien ko ripoot in kakkure ajiri ilo ļāj (*abuse*), jerwaan, ak jojoļāāre ajiri rej tōpartok ippān bwilijmān ak DCFS, opiiij kein rej aikuj etale baamle kein. Elaññe opiiij kein reloe ke ekauwōtata an ajiri eo pād ilo imweo imōn, ajiri in enaaj emakūt jen imweo imōn. Jepjep eo an ajiri eo jen baamle eo an enaaj kadu kūtien, botaap jāj eo wōt emaroñ kwaļok nāāt im ñe ajiri eo emaroñ roqol ñan ippān baamle eo an. Ilo iien eo ajiri eo ejjako jen turin baamle eo an, ajiri in epād ippān juon baamle eo kien ekar jitōñe bwe en alal e (*foster family*) ajiri in. Ri-alal (*foster*) rein renaaj kōjparoke ajiri in. Juon rijermal an Family Service (*Family Service Worker- (FSW)*) enaaj jermal ippān baamle eo an ajiri in ñan jipañ kōkōmanmanļok kapijukunen eo am ñan an maroñ roqol ajiri eo ñan ippān baamle eo an. Meñe kōtōpar eo ej bwe baamle eo en maroñ bar koba ippān doon, jet iien jāj eo enaaj kōtmene ke ejab eman ñan ajiri eo bwe en roqol ñan ippān baamle eo an. Elaññe ajiri eo eban roqol ippān baamle eo an, DCFS enaaj jipañ ajiri in pukōte juon jikin ippān ro nukwin ak aje ajiri in ñan baamle ko renaaj kaajiririiki. DCFS emaroñ bar jipañe ajiri in bwe en make jeṇokṇokļok iian make elaaññe epād ilo dedjab eo erūtto.

Elaññe DCFS Enaaj Kepaak Eok

Kwōnej bar iieone eja wāween kein rej waļok itulōñin. Jouj im jelā bwe kōjparok eo an ajiri eo nejim ej aurōktata ilo jermal ko an DCFS. Kōm kōṇaan bwe ajiri eo nejim en lemōṇōṇō, koṇ/tiljōk, im wāmourur. Kōmij tōmak ke ajiri ro renaaj koṇ aer pād elaññe kadkad ko aer ippān rūtto ro ilowaan baamle eo aer eweepān im

tiljōk. Kin men in, jenej jermal ippām in kōmman bwe imweo imōm en juon jikin jokwe eo ewōṇake einwōt in. Armij eo enaaj ekkā im ikutkut am jermal ippān enej FSW eo am. Jermal eo an FSW ej ṇan jermal ippām bwe en kakobaik baamle eo am im bwe komiro kajimwe bōd ko rekar waḷoḷ moktaḷoḷ bwe ren kar kōmakūti ajiri eo jen ippām. ṇan kōmmane kāālet ko ewōr tokjeir ṇan baamle eo, am kakkōt im kuṇaam elap an aurōk bwe komro FSW eo am en jermal ippān doon im ejake juon koṇ (*“plan”*) eo im enaaj aleje jeplaakwaj eo an ajiri eo nejim bwe en roḷwōj. Koṇ in enaaj pād ilo jeje im kwōnej aikuj in nej jaini. Koṇ in enaaj kelaajrake edo ko am, koba in pepe ko jāj eo ekar karōki, bwe ajiri eo en maroñ in nej roḷwaj ṇan ippām. Ej bareinwōt kelajraake jermal ko an DCFS ilo aer jermal ippām. Koṇ in emaroñ bar kōnono kin/im kakobaiki tok jipañ in koṇjel (*counsel*) ko, kakōlkōl in ānbwin im kōlmānḷoḷkjen ippān taktō, jikin jokwe, jikin jermal, jikin kaajiriri ko, iaḷan am emakūtkūt, jipañ jen jikin ebōk kapilōklōk jen loār (*legal service*) ro.

FSW eo am enaaj bareinwōt ikutkut an etal ṇan jikin jokwe eo an baamle in alal (*foster*) eo me ajiri eo nejim ej pād ie bwe en jāāke, ṇan kōnono kin koṇ eo amieañ, jabdewōt oktak ko, im lale ñe ewōr ke jabdewōt būrablōm ko ippān ajiri eo nejim. FSW eo enaaj jermal ippān ri-alal ro bwe ren jipañ ajiri eo bwe en tōñtōñ an eman kōjjeiien ajiri eo ilo tōre eo ej pād ippāer. Bwe kwōn jelā ta edo ko FSW ej aikujin kōmmani, edo ko an emōj kelaajrak ijin itulal nan jipañ eok jelā ta ko en kōmmane.

Jermal ko an Rijermal eo an Family Service (Family Service Worker) eo

1. Elewaj jipañ ikijjen kōtopar ko an koṇ (*plan*) eo ṇan kwe im baamle eo am.
2. Jipañ ri-etale eo elaññe ewōr kōkōljake in kakkure ajiri ilo lāj (*abuse*) im jerwaan. Rijermal in ej kōmmane jermal kein an ilo an etal ṇan jikin jokwe ko, lale rekoot ko am (*background check*), im kajitūkini aolep armij ro keej in ejelōt er.
3. Jipañ ejake kōtōpar ko, jibadbad ko, jermal ko, im karōk iien an dedeḷoḷ jermal ko ilo iion koṇ (*plan*) eo bwe en maroñ roḷwaj ajiri eo nejim ṇan ippam.
4. Kapok baamle in alal (*foster*) im jāāke mōko imwer im kakōlkōle (*check*) er ṇan pukōte baamle eo emantata ṇan ajiri eo nejim.
5. Loḷoḷ baamle eo am im baamle in alal eo ṇan lolorjake bwe aolep ren loore kōtōpar ko ilo iion koṇ eo.
6. Kōmmane jabdewōt jermal ko rekkar bwe en jipañ kalōke juon pelḷak eo emantata ṇan ajiri eo nejim.

7. Kapaak kwe, ajiri eo nejim, baamle in alal eo an ajiri eo nejim, bwilijmāān ro, taktō ro, rikaki ro, ro rej jermal ilo imwōn kaajiriri ko, ļoār ro, im jabdewōt armij ro emōj loe ke reaurok ñan kwe im ajiri eo nejim.

Kobaļok ippān elajrak in iloñ, FSW eo am ej aikuj ripootļok ñan imōn ekajet eo kin dedeļokin kōtōpar ko ilo iion koņ (*plan*) eo im kab kwaļok ta lōmņak eo an kin kwe im baamle eo am ñan jāj eo. **Elañņe kwōj eñjake ke kwōj jab maroñ ļoore jermal ko iion koņ eo ippān DCFS, jouj im kapaake ak kōnono ippān FSW eo am. Elañņe kwōjab kōnono kin abañ ko am ñan FSW eo am, innām kwōmaroñ luuji maroñ im jimwe ko am einwōt juon jinen/jemen ajiri eo.** Maroñ ko am rej elajrak ijin itulal. Jouj im ennaan ippān FSW eo am elañņe ewōr am kajjitōk kin jimwe im maroñ ko am.

Jimwe im Maroñ ko Am

1. Ewōr am maroñ ñan aer ennaanōk eok, mokta jen, jabdewōt eoroñ ko renaaj bōk kitūer iman mejen jāj eo ak mokta jen jabdewōt makūtkūt ko kien enej kōmmāni. Renaaj kōņaanik eok ikijjin iien eo, jikin eo, im wūnin kir eok.
2. Ewōr am maroñ in kajjitōk juon am ļoār jabdewōt iien ewōr taip in makūtkūt ko kien ej lilōñtak im ñae ajiri eo nejim kake. Elañņe kwōjjab maroñ kollāiki woņāān juon am make ļoār, kwōj aikuj kapaak ak kōņaaniki imōn ekajet eo. Jikin ekajet eo emaroñ lewaj am ļoār ilo an ejjeļok woņāān.
3. Ewōr am maroñ in bōk kuņaam ilo ejaake koņ (*plan*) eo ñan jipaņe ajiri eo nejim bwe en roļwaj . Ewōr am maroñ in kajjitōk juon am kape in koņ eo. Ewōr am maroñ in kōnono ippān jāj eo elañņe kwōj jab errā ippān koņ in.
4. Ewōr am maroñ in baeļ am owar ñan imōn ekajet eo eutieļ ļok elañņe kwōj jab errā kin jemļok eo jāj eo ekar peeke.
5. Ewōr am maroñ in loļok ajiri eo nejim ilo am kōmman koņ ippān FSW eo (FSW eo emaroñ waje kom ilo iien kein kwōj lolok ajiri eo nejim) mae iien eo jāj eo enaaj kabōjrak am loļok .
6. Ewōr am maroñ ñan juon riukok elañņe kwōjab maroñ roñlokjen, keroro, ak melele kajin lñlij (*pālle*).
7. Ewōr am maroñ ñan am jelā kin jōkjōk in an ajiri eo nejim ilo an pād ippān baamle eo ej alal e im wōnmanļok ko rej waļok ñane, einwōt ājmuur eo an im an jikuuļ.
8. Ewōr am maroñ in kōmman am abņōņō ak kajjitōk kin FSW eo am im wāween an kōmadmōde ajiri eo nejim ilo an pād iumin baamle eo ej alal e. Jouj im lale laajrak in āt im nōmba ko ilo itulikin boļok jidikdik in.

9. Ewōr am maroñ in bōk kuṇaam ilo mour eo an ajiri eo nejim ilo iien eo ej pād ippān baamle in alal eo, einwōt ilo am bōk kuṇaam ilo makūtkūt ko an ajiri eo ilo jikuuj eo, ak ilo wāween makūtkūt ko an ilo jikin taktō ko kab wūno ko ej aikuji (mae iien eo jāj eo enaaj jepe ke ejjab eman ñan ajiri eo nejim bwe kwōn bōk kuṇaam ilo makūtkūt kein). Enaaj wōr iien kweļok ippān aolepen ro rej jermal ilo keej in bwe jen kōnono kin wōnmaanļok ko. Ro renaaj pād ilo kweļok in nej FSW eo am, ri-alal ro, im ļoār ro. Ewōr am maroñ ñan am pād ilo kweļok kein ippān rijermal rein. Ewōr am maroñ ñan am bōktok juon eo enaaj jurake eok ak kōnono ikkijiem ñan iien kweļok kein.
10. Ewōr am maroñ ñan am jelā kin ,mokta jen, an ajiri eo nejim aikuji in nej emakūt ñan bar juon baamle in alal (*foster family*). Bōtaab elaññe jiroñ eok kin emakūt in enaaj kauwōtata ñan ajiri eo, emaroñ ejjeļok en enaaj ennaaṇōk eok kake. Ñe ewōr idiñ ko rekar bōk kūtier bwe ajiri in en aikuji kar emakūt ilo iien eo emōkajata, enaaj bōk 24 awa mokta jen aer ennaaṇōk eok kin emakūt in.

Jelā ta in Pād iumin Alal (*Foster Care*)

“*Foster care*” ak pād iumin alal an ro jet ej pād kōnke kōmij tōmak ke aolep ajiri ewōr aer jimwe im maroñ ñan aer mour im rūttoļok ilo jukjuk-in-pād ko ewōr kōjparok im ejjeļok jorāñ ie. Wūnin ilik ajiri iumin alal ej ñan leļok juon jikin jokwe im jukjuk-in-pād eo ewāmourur ñan ajiri eo nejim ilo tōre eo kwōj kajimwe bōd ko rekar waļok bwe ajiri eo en emakūt jen ippām. Eñin, ej wūnin an kadu kūtien an ajiri pād iumin būrookraam in alal. Aetokan an ajiri eo nejim pād iumin alal enaaj lap an pādpād iion toon am naaj kajimwe jōkjōk ko rekar kōmman bwe DCFS ak bwilijmāñ ro ren kōmakūt ajiri eo nejim. Jipadpad eo an būrookraam in alal in ej ñan kapokūte juon mōn ajiri eo, bōtaab ej ad kōṇaan, bwe en roļwaj ñan ippām.

Jej tōmak bwe jeraamman ko ilowaan juon baamle rej itok jen tōprakin jermal ippān doon einwōt juon kumi (*team*), kobban kumi in ej kwe, baamle eo ej alal e ajiri eo, FSW eo am, kab ro jet kwōj loe ke raurōk ñan kwe im ajiri eo nejim. Ro uwan kumi in rej aikuji in kautiej doon im kōnono mool ippān doon. Aikuji ko an ajiri eo renaaj tōprak elaññe aolep ro ilo kumi in rejermal ippān doon.

Baamle eo ej alal (*foster*)

Jermal im edo ko an ri-alal ro ej bwe ren kōjparok ajiri ro rej pād ippāer iumin roñoul-emen awa aolep raan. Ej bar aer edo ñan jipañ ajiri eo nejim bwe en jelā kilen lōke e make, im eman an ļōmṇak kin mour eo an inne, kio, im ilju im jōklaj.

Einwōt jet ro rej bōk jikin jinen im jemen ajiri in, baamle in alal in rej pād iturin ajiri eo nejim jen raan-ñan-raan. Aer epaake im pād iturin enaaj kōmman bwe en pidodo an ri-alal rein jermal ippān ajiri eo im ļoore edo ko aer einwōt ro uwaan kumi (*team*) kein ilo keej in. Kadkad in enaaj likiti ri-alal rein ilo wāween eo epidodo ñan aer nej lale ta aikuj ko an ajiri eo kab loloorjake bwe jikin jipañ ko ilo kapijukunen eo ren kakke aikuj ko an ajiri eo. Kinke ri-alal ro rej pād ippān ajiri eo nejim aolep raan, remaroñ jomaanļok meļeļe ko reaurok rej loe ippān ajiri in ñan kwe im DCFS, koba meļeļe kin mwilin ajiri eo, jemjera eo ikōtaan im ro ej ikkure ippāer im bareinwōt jemjera eo ikōtaan im uwaan baamle in alal eo, im an iminene ilo jikin jikuul kab jukjuk-in-pād eo ej jokwe ie.

Ñan jipañ eok meļeļe kin wāween aer naaj kōjparok ajiri eo nejim ilo tore in ej pād ippān baamle in alal in, jermal ko an ri-alal rein rej elajrak ijin itulal. FSW eo am emaroñ in naaj jipañ eok uwaki kajjitōk ko am elaññe enaaj wōr jabdewōt am kajjitōk ikijien jermal kein aer.

Jermal Ko an Baamle in alal eo

1. Pād ilo kilaaj in kōmmālmel ko im būrookraam in ekatak ko an baamle in alal ko mokta kab āllikin aer bōk taitōl in ri-alal (*“foster”*), ñan an kapeel ļok jermal ko aer ñan ajiri eo nejim kab ro jet repād iumin alal.
2. Jipañ kalōke juon pepe eo ej kelaajrake kōmmālmel/jermal ko rejeņokņok jen doon ekkar ñan aikuj ko an ajiri ro kajojo im ļoore koņ ko.
3. Ļoor kakkien ko im kāālet ko an DCFS, bareinwōt kile im ļoore tōl eo an DCFS.
4. Jipañ ajiri eo nejim im DCFS kōmmane juon koņ eo enaaj kajejjete bwe an ajiri eo roļwaj ippām en tōprak, ak pād ippān ro nukwin ak aje ñan ippān ro renaaj kaajiririki, ak an jeņokņokļok im mour make iian .
5. Kōnono ippān ļoār eo emōj jitōñe bwe en kōmadmade keej eo bwe en maroñ in kajejjete im kalikiieo ļok jōkjōkin aikuj ko an ajiri eo ñan jāj (*imōn ekajet*) eo.
6. Pād ilo iien kweiļok ko im iien eoroñ ko ilowaan imōn ekajet eo, ilo tōre ko rej kūri eok bwe kwōn jede ñani.
7. Leļok mimiņeņe kin mour in baamle ñan ajiri eo nejim, bareinwōt jinete, kairiji loļātāt (*kōmālij*) eo an, jiburi, im leļok kauwe (*katakin*) ko rekkar iumin kakien.
8. Kalikkare im kameeje kakien ko am ñane; doore ta ko ajiri eo ej aikuj kōmmani im ta ko emō an kōmmani ekkar ñan joñan rūtto in, im kanooj kōmeleleiki ke enaaj wōr kauwe ko kwōnej kaje e kake ñe ejab kōkōmanman mwilin; kōjermal kauwe ko rejouj im mera ilo meļeļe; kauwe ajiri eo nejim ilo kōjermal naan ko

- renaaj kōparene im kōkajoore, jab naan ko dedo; katakini bwe en jelã kilen kōkōmanman būruōn im jelã kilen nebar armij im jela kōjermal naan in rōjañ.
9. Kōjparok ajiri eo nejim im lake/ņooje jabdewōt menoknok ko rekauwotata im rekkajoore.
 10. Kakkwōņ aolep wūno ko ilo ijoko retitūno, im ļoor aolep meļeļe ko iion leipōļ eo an wūno eo kin wāween keidaake ajiri eo nejim wūno. Kwōn jelã ta kain kadōk ko remaroñ waļok jen wūno ko im jeiki rekoot in wūno ko kwōj kaidaake ajiri eo.
 11. Kadeļoņe im loloorjake an ajiri eo jikuuļ aolep iien ilo juon jikuuļ eo kien ej lōke einwōt juon moļ in jikuuļ, im kōkajoore im kōparene im iuuni bwe en kwaļok taļōn ko an. Kōmmane iien an ajiri eo nejim maroñ bōk kuņaan ilo ikkure ko an jikuuļ ko ak joko jet, im bōk kuņaan ippān makūtkūt ko an baamle eo, jikuuļ ko, im jukjuk-in-pād eo.
 12. Bōro-kuk ippān DCFS ilo karōk iien an ajiri eo nejim etal in jāāk ilo jikin taktō ko kab jikin kōmman ñi ko, bareinwōt loloorjake bwe ajiri eo en loļok taktō jabdewōt iien enaaj nañinmij. Etal ippān ajiri eo nejim ilo aolep iien an loļok taktō .
 13. Kōjparok ajiri eo nejim jen an keepake rikōbaatat ro, im mejmej-karuwo wōt bwe en ājmuur im tiljōk.
 14. Aeni rekoot in taktō kab wã ko an ajiri eo nejim im likiti ilo rekoot in taktō eo an (*medical Passport*).
 15. Kakkwōne juon book-in-mour (*lifetime book*) an ajiri eo nejim bwe kwōn rekooti oktak ko rej waļok. Book in enaaj rekoote aolepen makūtkūt im iien ko raurōk ilo mour eo an ilo tōre eo ej pād umin alal (*foster*).
 16. Kōnono eman kin kwe im baamle eo am.
 17. Ņooji meļeļe ko emo kajededi ñan ikijjien kwe im baamle eo am ñan armij im jab kōnono kaki ippān jabdewōt.
 18. Kōmman bwe en pidodo im eman ñan an aolep ro uwan kumi (*team*) in, maroñ naaj kōnono ippām, im bareinwōt maroñ kōnono ippān baamle eo kwōj jermal ippāer elañne enaaj mōttan kar koņ eo.
 19. Kōparene im jipañ kōpooje ajiri eo nejim ilo jabdewōt emakūt enaaj aikuj kōmmane (meñe enaj ilo an roļ ñan ippān baamle eo an, ak ñan ippān juon nukwin, ak bar juon imōn bar baamle in alal, ak juon baamle eo enaj kaajiririki, ak jokwe iian make).

Jipañ Ajiri Eo Nejim Kaminene iumin Alal

Ñan jipañ ajiri eo nejim kaminene ippān baamle eo ej alal e, jouj im:

1. Kōmeļeļeki ajiri eo nejim bwe ej wāween eo emmantata ñan e bwe en jokwe ippān ri-alal ro ilo tōrein. Lolorjake bwe ajiri eo nejim en meļeļe ke ejjeļok en ej ñae-ruon im ejjeļok an bōd.
2. Kwaļok ñan ajiri eo nejim ke kwōjab joļoke im kwōnaaj ikutkut am etal in loļok.
3. Jijilōkļok an nuknuk im juuj ko, ñe kwōmaroñ, bar jijilōkļok kein an ikkure kab boļok ko raurōk ippān ajiri eo nejim.
4. Kanooj kōjparok bwe kwōn jab kōmman kaļļimur ko im kwōj jab maroñ in kōmmani.
Kajjieoñ etal ñan aolep iien loļok ko an ajiri eo nejim, im kōnnaanōk FSW eo am elañne kwōjab maroñ jāde ñan iien loļok kein .

DHS im DCFS

DHS, opiij eo ej jermal im makūtūt iumin DCFS, ej jermal einwōt juon eo jāj eo ekar käälet bwe en lale ajiri eo nejim im lolorjake ia eo emmantata bwe ajiri eo nejim en jokwe ie ilo an pād iumin alal, im enaaj bar lolorjake bwe en wōr kōtōpar ko renaaj aetok kitier ilo koņ eo. DCFS ej an kōņaan bwe en jipañ kwe kōkōmanmanļok wāween ko rekar jelōt baamle eo am im kōmman bwe ajiri eo nejim en emakūt jen kar ippām. Ekanooj aurōk jermal ippān doon ikōtaan jikin ekajet eo, opiij ko an kien, im jikin jipañ ko kajojo ilo jukjuk-in-pād eo bwe kōtōpar ko ilo koņ eo ren dedeļok.

Jermal Ko An DCFS ñan Ajiri Eo Nejim

Ajiri ro ewōr aer maroñ ko rejeņokņok jen rūtto ro einwōt ke er ajiri im rejjab maroñ lale er make. Jet iian jimwe/maroñ kein rej:

- Jimwe/maroñ in mour ippān baamle ko aer im loe mour kin iakwe, kōjparok, jibuur, im katak ko mae iien renaaj rūtto;
- Jimwe/maroñ in mour ilo ejjeļok kauwōtata, jerwaan im ejjeļok kakkure ilo lāj;
- Jimwe/maroñ in ebōk jelāļokjen;
- Jimwe/maroñ in loļok taktō;
- Jimwe/maroñ in itok-limoin an mour ippān baamle eo an;
- Jimwe/maroñ in ebōk kauwe jen bōd ko an, im mour ilo tōmak in jetōb im ekatak kin manit jimwe ko ilo mour in; im
- Jimwe/maroñ in rūttoļok im eorom jiroñ im likao ro rejelā kilen mour.

Elañne jimwe/maroñ in mour ippān baamle eo an ajiri eo epād ilo kauwōtata, innem ajiri in ewōr an jimwe im maroñ ñan kōjermal juon an ļoār im aolepen

jimwe/maroñ kein renaaj bōbraiki ilo jabdewōt makūtkūt an imōn ekajet eo ikijjien wōn eo enaaj oṅake ak wōn eo enaaj likōpejṅak (*guardianship*) e ajiri in. DCFS ewōr an jermal im edo ñan ajiri ro emōj kōmakūt er jen ippān jineir im jemeir meñe emakūt eo ej an jidik wōt iien ak ñan indeeo. Jermal ko an DCFS ñan ajiri eo nejim rej einwōt kein:

1. Doore ajiri eo nejim ippān juon baamle eo enaaj alal (foster) e, ak juon nukwin ajiri eo, ak ilo bar juon jikin jokwe eo emantata ñan aikuj ko an ajiri eo nejim, ijo im edik abañ ie.
2. Doore ajiri eo nejim ilo juon jikin eo epaake baamle eo am bwe en pidodo im ikutkut am naaj loḷok.
3. Lolorjake bwe en wōr iien emōj karōke im kajejjete bwe ajiri eo nejim en maroñ lo baamle eo am im ro nukwim.
4. Kwaḷok mool ko ñan ajiri eo nejim ta ko renaaj waḷok ilo jabdewōt kããlet ko renaaj bōk kūtier.
5. Leḷok jimwe/maroñ kein rej elaajrak itulōñ ñan ajiri eo nejim.
6. Leḷok iien an ajiri eo nejim maroñ jar im ekatak kin tōmak ilo jetōb.
7. Kōtḷok bwe ajiri eo nejim en pād ilo iien kōmman koṅ ko, iien kweiḷok ko, im iien jede imaan jikin ekajet ko, ilo jabdewōt iien emaroñ im elaññe ejejjet an iiō.
8. Kakkwōne juon an ajiri eo nejim baeḷ bwe pepa ko raurok ren pād ie, einwōt pepa-in-ḷotak, social security kaat eo, im pepa ko jen imōn ekajet eo.
9. Kepaak im kōnono ippān imōn jikuuḷ eo an ajiri eo nejim ikijjien wōn eo ajiri eo nejim ej pād ippān im kab lokjak ko jet im remaroñ jelōt e an ajiri eo ekatak ilo jikuuḷ.
10. Jipañe ajiri eo nejim bwe en roḷwaj ñan baamle eo am, im pukōt kilen bwe ajiri eo en maroñ rōlok jen iumin pepe ko an kien im jinoe juon mour kãāl ippān ro nukwin, ak baamle eo ekar kaajiriri iki, ak mour make iian elaññe iiō eo an erūtto.

Jermal Ko An DCFS ñan Kwe im Baamle Eo Am

Kwe eo kwōj ki ñan kōtōprak pepe (*plan*) ko reaurok im aetok kūtier ñan ajiri eo nejim ilo tōre eo ej pād iumin alal. Ibwilijin kumi (*team*) eo, kwe eo kwōj eoḷōplap in aolepen makūtkūt ko. Ajiri eo nejim ekar jino ippām, im epaake eok, ekkã an ajiri kijoñ kōṅaan roḷḷok ñan baamle ko aer ilo kajojo keej. An ajiri eo nejim roḷ waj ej atartar im wawa iion am ḷoore koṅ (*plan*) eo bwe jikin jokwe eo am en juon jikin eo ekoṅ im eḷap an tiljōk ñan ajiri eo nejim. Ne ejjab, ekwe kwōnej maroñ luuji

maroñ ko am einwõt juon jinen ak jemen ajiri eo nejim, im naaj bareinwõt luuji ajiri eo nejim. Ewōr jōt jermal ko DCFS ej aikuj kōmmani ñan kwe ilo tōre eo ajiri eo nejim ej pãd iumin kōjparok ko an ri-alal ro. Jermal kein rej elaajrak ijin ltulal.

1. Lewaj wãween im kōmman jipañ ko im renaaj kakobaiki baamle eo am ippãn doon.
2. Kōmejejeik eok etke ekar aurōk bwe ren kōmakūt ajiri eo im doore ippãn juon baamle eo enaaj alal e ilo juon kitien eo ekadu.
3. Emō aer lo-arim/kōrraat e kwe. Kile eok ke kwōj bōk kuñaam ilo mour eo an ajiri eo nejim.
4. Kalikar wãween ko kwōmaroñ kōmmani ñan am maroñ bōk wōt kuñaam ilo mour eo an ajiri eo nejim ilo tōre eo ajiri eo epãd iumin kōjparok an ri-alal.
5. Kalikar ta ko kwōj aikuj kōmmani bwe en maroñ rōḷ ajiri eo nejim ñan mweo imōn.
6. Kōtḷok bwe kwōn bōk kuñaam ilo ejake koḅ (*plan*) eo ñan jipañ ajiri eo nejim rōḷ ñan mweo imōn.
7. Lewaj aolep jipañ ko im iaḷ ko renaaj kadedeikiḷok koban koḅ eo bwe ajiri eo en rōḷ waj ñan mweo imōn.
8. Kōrōḷwaj ajiri eo nejim ñan ippãm elaññe emōj an dedeḷok aolep jermal ko im oktak ko jãj eo ekar peeki.

Jermal Ko Am Einwõt Jinen ak Jemen Ajiri Eo

Jermal ko am einwõt juon jinen ak jemen ajiri eo rej elaajrak ltulal. Jermal kein rej wōjam ilo tōre eo ajiri eo nejim ej pãd iumin kōjparok eo an ri-alal.

1. Eleḷok jabdewōt mejeje kin ajiri eo im baamle eo ñan DCFS.
2. Kōnnaanik FSW eo am kin jabdewōt aikuj ko rejeḅokḅok an ajiri eo nejim, koba in utame ak nañinmij ko, mejeje ko ikijjien jikuul, kab manit im iminene ko an baamle eo. **Eḷap an aurōk bwe kwōn ba ñan FSW eo am kin aikuj im būraablōm in ājmuur ko an ajiri eo nejim, ñe ewōr nañinmij ko, wūno ko ej aikuji, ñe ewōr jabdewōt wūno ānbwin ejelã kadōke, im rekoot in wã ko an bwe ajiri eo nejim en pidodo an taktō ñe enaaj aikujin in taktō ilo tōre eo ej pãd ippãn baamle eo ej kōjparoke.**
3. Bōk kuñaam ilo iien kweiḷok ko im jede ñan iien eoroñ ko ilowaan imōn ekajet ko.
4. Jermal ippãn FSW eo am ñan kōmmane kōtōpar ko rej aleje an ajiri eo rōḷ ñan imweo imōm.

5. Bōk kuṇaam ilo jermal ko rej mōttan kōtōpar ko an koṇ eo rekar kōmmane ñan baamle eo am, bwe en dedeḷok pepe ko .
6. Kajieoñ bwe kwōn pād ilo iien taktō ko, iien jar ko, im iien ko jet raurōk an ajiri eo nejim.
7. Kepaak FSW eo am aolep iien, im kōnnaaniki kin ta ko kwar kōmmani im kadedeikiḷok ilo koṇ eo. Lolorjake bwe en pād atōrej im talboon nōmba ko am rejimwe ippān FSW eo am.
8. Kakkutkut am kōnono im loḷok ajiri eo nejim. Etal ñan aolep iien ko emōj karōki bwe kwōn loḷok ajiri eo nejim.
9. Kepaak im kōnono ippān FSW eo am ak ḷoār eo am elaññe ewōr am abḥōḥō.
10. Leḷok an ajiri eo jāān. Jāj (*imōn ekajet*) eo enaaj kalikar jete joñan eo kwōj aikuj kōḷḷā.
11. Kalikar im kōnnaanik DCFS ilo iien eo emōkaj tata elaññe kwōj kōṇaan joḷok jimwe/marōñ eo am im kwōj kōṇaan joḷok nuki /kadm ad eo kōtaamiro ajiri eo nejim.

IMŌN EKAJET

Kinke jāj eo ak jikin ekajet eo ekkā an peeke aolepen kāālet ko ikijjien ajiri eo nejim im baamle eo am, eaurōk bwe kwōn meḷeḷe ta ko rej waḷok, jet iian men ko renaaj waḷok ej bwijin kattōn am naaj etal ñan iien eoroñ ko. Jabdewōt iien eo enaaj wōr am kajjitōk kin wāween makūtūt ko ilowaan imōn ekajet eo, FSW eo am im ḷoār eo am remarōñ jipañ eok. Elaññe kwōjjab marōñ wōnean juon am make ḷoār, kwōj aikuj ennaanōk jāj eo. Elaññe ekkar bwe kwōn ebōk jipañ jen imōn ekajet eo, jāj eo enaaj jitōñe juon am ḷoār. Kwe marōñ kajjitōk jabdewōt iien bwe en wōr am eoroñ imaan mejen jāj eo bwe ren etale keej eo am. **Ekanooj aurōk bwe kwoñ jede ilo aolepen eoroñ ko am.**

Meḷeḷein naan ko renaaj kōjerbale ilowaan imōn ekajet eo rej elaaarak ijin ilal. (meḷeḷe kein ilal ikijjien wāween jermal ko an imōn ekajet ko ilo Arkansas in rekar kape iki jen www.arkansascasa.org).

Ripoot im Etale Ko (*Reports/investigation*)– Bwilijmāāḥ ro an state ej aer jermal in etale aolep ripoot ko ikijjien abḥōḥō ko redejoñjoñ kin jatiljōk, im ilo kakkien, rej aikuj jinoe edede/etale abḥōḥō kein iumin 24 awa ālikin an ripoot in tōpar er. Jatiljōk ko redejoñjoñ rej einwōt kakkure (tepiḷ, tape, peru, ḷatipñōl-reip, tōbal er), buḷok di, jorrāān ilowaaer, jojolaar er, bwil/tūl, im ka-apañ aer meḥoḥo. DCFS

ej bareinwōt etale kain jatiljōk ko jet rejjab elaaajak itulōñ, im rej aikuj etali ripoot kein iumin 72 awa ālikin aer tōpar opij eo an DCFS.

Kōmakūt Ajiri Ilo Jidimkij (*Emergency Removal*) – DCFS im rijerbal ro an kien/bwilijmāñ ro ewōr aer maroñ in kōmakūt ajiri eo nejim jen imweo imōm iumin 72 awa im remaroñ jab enaanōk jinen im jemen ajiri eo elaññe rej tōmak ke ājmuur im kōjparok eo an ajiri eo epād ilo kauwōtata. Eitin aolepen emakūt ko an ajiri ro rej itok jen ripoot eo ekar tōparjok Child Abuse Hotline eo. Ilo tōre in, ajiri eo enaaj aikuj pād ippān baamle in alal eo.

Eoroñ Jidimkij Iman Mejān Jāj (*Emergency Hearing*) - eoroñ jidimkij eo ej aikuj in kōmman ilowaan imōn ekajet eo iumin jalem raan in jermal ko, ālikin an kar ajiri eo emakūt. Eoroñ Jidimkij ij ej ñan lale 1) ñe ekar wōr wūnin aer kar kōmakūt ajiri eo 2) ñe wūn eo kar kōmakūti ajiri eo kake emōj ke kajimwe, bwe ñe ejjañin jimwe, ajiri eo enaaj pād wōt iumin pein kien. Mejejein, jāj eo enaaj lale ñe ejimwe ke an kar DCFS ak bwilijmāñ kōmakūt ajiri eo nejim jen ippām.

Ilen Eoroñ ñan Lale Emool ke Bōd Ko (*Adjudication Hearing*): lien eoroñ in enaaj kōmman iumin 30 raan ālikin an dedejok eoroñ eo kar kōmmane ñan lale ewōr ke kar wūnin an kar ajiri eo emakūt. Jāj eo emaroñ lemaanjok kūtien eoroñ in iumin bar 30 raan. Wūnin eoroñ in ej ñan an jāj in tilmaake abñōñō ko im lale re-mool ke. Bwe ne enej loe ke re-mool, DHS/DCFS ej aer jermal bwe ren ka-moole ke ekar wōr rōjok itok jen jinen/jemen ajiri eo im rōjok kein rekōmman bwe ajiri eo en pād ilo kauwōtata.

Eoroñ Ñan Lale Ta Kōmman ko itok jen Jāj eo (*Disposition Hearing*) - Eoroñ rōt kein ekkā an kijoñ kōmman ālikin an jāj eo kar peeke ilo kar eoroñ eo moktajok ke ekar wōr bōd in jatiljōk ajiri. Wūnin eoroñ in ej ñan lale ta makūtkūt ko jāj eo enaaj karōke. Ej tōre eo in jāj eo enaaj kwaajok ñe etiljōk ñan an ajiri eo rōjok ñan imweo imōn ak ej ke wōnmaanajok wōt im pād ippān ri-alal ro ak pād iumin DHS/DCFS. Jāj eo enaaj bar karōkwaj jipañ ko me renaaj jermal bwe ajiri eo en rōjok ñan baamle eo an. Elaññe jāj eo enaaj loe ke ajiri eo ej aikuj pād ettojok jen imweo imōn baamle eo an, jāj eo enaaj ka-weeppāne juon koñ (*plan*) bwe ajiri eo kab jinen/jemen ren maroñ jimor iion doon. Bareinwōt koñ in enaaj jipañ bwe ajiri eo en rōjok ñan imweo imōn.

Eoroñ In Bar Etale Keej eo (*Review Hearing*): lien eoroñ eo maantata ñan etale jōkjōk in keej eo enaaj kōmman ilowaan jiljino allōñ ālikin aer kar kōmakūti ajiri

eo. Ālikin, aolep eoroñ rōt kein renaaj kōmman aolep jiljino allōñ. Wūnin eoroñ jab in ej ñan jāj eo bwe en bar etale jōkjōk in keej eo, bareinwōt lale aolep rej ke loore peek ko an jāj eo kab koṇ eo jāj eo ekar kōmālimi, im bareinwōt lale bade kein kajojo rej ke jermal ippān doon im kadedeiklōk kōtōpar ko an koṇ (*plan*) eo.

Eoroñ Ñan Kapok Jikin Ajiri eo (*Permanency Planning Hearing*): Eoroñ in ñan kapok jikin ajiri eo ej aikuj in kōmman jab toḷok jen 12 allōñ ālikin aer kar kōmakūt ajiri eo. Wūnin eoroñ jab in ej ñan an jāj eo kōtmene itu ia eo ajiri eo enaaj jukjuk-im-amṇak ie. Jikin ko jāj eo emaroñ likiti ajiri eo ie 1) Kōrṇol ajiri eo ñan baamle eo an, 2) Loore wōt koṇ (*plan*) eo bwe ajiri eo en maroñ rṇol ñan baamle eo an tokālik, 3) Kōmālim juon koṇ eo me enaaj kabōjrak jimwe/maroñ ko an jinen/jemen ajiri eo, 4) Kōmālim juon koṇ ñan aje ajiri eo ñan kaajiriri.

Kabōjrak Jimwe/Maroñ ko an Jinen/Jemen (*Termination of Parental Rights-TPR*): Kabōjrak jimwe/maroñ an jinen/jemen emaroñ make itok jen jinen/jemen ajiri eo ak emaroñ kar peeke itok jen jāj eo. TPR ej juon peekin itok jen imōn ekajet eo, im ej kōjemlōk jimwe/maroñ im edo ko aer kab enaaj kōjemlōk kadkad im nukwi eo aer ñan ajiri in. Jabdewōt iien eo kwōj kōṇaan kōjemlōk jimwe/maroñ ko am einwōt jinen/jemen ajiri eo, juj im enaannōk DCFS.

Juon Naan in Kōjjemlōk

Jej kōjatdikdik bwe bṇok jidikdik in emaroñ in kar jipañ kōmeleleik eok ikijien ta ko remaroñ waḷok elaññe DCFS enaaj bōk kuṇaan ippān ajiri eo nejim im baamle eo am. Keememej bwe kōmij pād ijin ñan jipañ eok. Kōmij lōmṇak kin ajiri eo nejim im kōm kōṇaan ta eo emantata ñan kwe im baamle eo am. Jabdewōt iien eo emaroñ wōr am kajjitōk ak abṇṇō, juj im kōnnaanik kōm. Epād nōmba im melele ko an FSW eo am, bṇoj eo an FSW eo am, im bṇoj eo an DCFS ilo Bukwōn eo ilo itulik in bṇok in.

Glossary ak Melele In Naan Ko Ilo Booklet In

Jojoļāār (Abandonment)– Likjab eo an juon jinen/jemen ajiri ilo an jab lale ak japoot (*support*) ajiri eo im ejjab loļak ajiri eo ak jeje ñan e. Ñe likjab in ej kilaan kōṇaan makmake an jinen/jemen ilo aer itōn aipādpād jen eddo ko aer ñan ajiri eo iumin kūtien eo aetok in jab ļōmṇak in lale ajiri eo, jeje lōta ñan ajiri eo, ak loļak ajiri eo ilo an ejjeļok wūnin aer jujurļok eddo ko aer einwōt jinen/jemen ajiri eo. Jojoļāār ejjab jermal ñan mūt/aipādpād ko an jinen/jemen ajiri ro emōj aer mare im pālele.

Kakkure Ilo Lāj (Abuse) – Jabrewōt iian mūt/aipādpād kein ilal itok jen jinen/jemen, rikapejṇak, ri-oṇake, ri-alal ro, armij ro 18 aer iio ak rūttoļok jokwe ippān ajiri ilo imweo jekdoṇ ñe nukwin ak ejab nukwin ajiri eo, ak jabdewōt eo kar kääletin jinen/jemen, rikapejṇak, ri-oṇake, ri-alal ro, bwe en lale ajiri eo, koba in ak ejab ere kein: rijerbal in imōko imōn kien (public)/mōn armij make (private); jikin kaajiriri ko (*child care*) ko; rijerbal in mōn jikuul ko; juon eo ej jeran juon ian jinen/jemen ajiri eo; ak jabdewōt wōn armij eo ewōr an edo in lale juon ajiri; botaab armij eo pāleen ajiri eo ejeṇokṇok jen mūt/aipādpād kein:

1. Jorrāān ko rekanoj lāj ñan juon ajiri;
2. Pād ilo mwil ko relukkun in kanooj kaamijak im maroñ kōmman an juon mij , kajorrāān juon ānbwinin bwe en wōr utame ilo jidik/aetok kūtien, kajorrāān e paat ko ilo ānbwinin.
3. Kōkkure ļōmṇak eo an ajiri eo, an eñjaake, im eddōkļok in kōmālij im mwilin einwōt an alikkar ilo mejeke ke ewōr jipikipik ippān ilo an ekatak ilo makūtkūt kab mwilin ajiri eo. Jipikipik kein repinej kajoor eo an ajiri eo im ejab maroñ pād ilo labōļ eo an ajiri dedjab eo an.
4. Kinej/jorrāān ko re-oktak ļamer aer waļok jen kar am jela kake.
5. Jabdewōt jorrāān/kinej waļok tok jen wāween ko rejjab jidimkij
6. Jabdewōt iian jorrāān kein ilal, im juon ej kōmmani kin ejjeļok wūn ak ejelā ke ñe enaj kōmmani enaj kakkure anbwinin ajiri eo:
 - A. Kade, bwijijļokwe, tūl e, kūji, ak mwijiti juon ajiri;
 - B. Dukwaļ (*baiti ak ekilōk peim*) e juon ajiri;
 - C. Kawididid juon ajiri; ak
 - D. Natoñe juon ajiri ilo iturin mejen ak wūlej eo an; ak
7. Jabdewōt iian wāween kein ilal im juon ej itōn kōmmani ilo an jelā ke ej kakkure ajiri eo, jōkdoon ñe enaaj ak eban kakinejne j ānbwinin ajiri eo:
 - A. Deñōte mejen im wūlej eo an ajiri eo, eo edikļok jen jiljino an iio;

- B. Kawididid juon ajiri eo jilu ak drikļok jen jilu an iiō;
- C. Ka-apañ an juon ajiri emenono;
- D. Kinji, kūji, ak deñōte itulal (*jikin mour*) eo an juon ajiri;
- E. Lukweeje ajiri eo ippān jabdewōt men ko re-edo ak lukweeje paat (*pein ak neen*) in ānbwinin ippān doon;
- F. Eleļok ak kōtļok an ajiri eo mōñā ak emenono baijin ko me renaaj jelōt ajmuur eo an ajiri eo, baijin im wūno ko taktō ekar jab kōmālimi, baijin ko me renaaj ka-apañ an paat in ānbwin ajiri eo jermal;
- G. Eleļok ak kōtļok an ajiri eo mōñā ak emenono baijin ko me renaaj jelōte tammwin, elaññe taktō ekar jab kōmālimi, koba in ak ejab ede kein:
 1. Mariuwana;
 2. Arkooļ (ijjeļokin wōt arkooļ ko ilimi ilo iien ko reļap an imōn jar ko)
 3. Wūno in kiki ko; ak
 4. Kaidaak ajiri eo wūno ko ilo kauntōr ko ilowaan imōn wia ko ak ejelā ke eļap jen joñan an keidaake ajiri eo kaki, im joñan eo ekar keidaake enaaj jelōte/kōkadeke ajiri eo.
- H. Kajedeik juon ajiri ñan kamikōl (*chemical*) ko remaroñ ka-apañ paat in ānbwin, koba in, ak ejab ede kein kain, kab bar kamikōl ko kōjermal ñan iiōk methamphetamine (*men kajjoor*);
- I. Kōmman bwe ajiri eo en make tōmak ke enañnimij ak ejjeļok an nañnimij (Munchausen Syndrome by Proxy) im elaññe emōj an rijermal in jikin taktō kar kamoole im ripoot kake ke kwōj make kak-kōne nañnimij eo an ajiri eo im ajiri eo ej tōmak eok.

Naan in Keeañ (NOTE): Elaajrak in itulōñ ej kwaļok waanjoñak ko kin mūt ko rejorrāñ, ak ejab meļeļein ke ede kein mūt jorrāñ iumin kakien.

Jeban maroñ ba ke mūt/kōl jorrāñ ko kōmmani rekar itok jen kakkure lāj (*abuse*) ko, mae iien emōj etale im kwaļok wūn ko rej kamool ke juon ekar kōmman mūt ko re-lāj.

Naan in "abuse" (*kakkure ilo lāj*) ejjab jermal ñan kauwe ko jinen/jemen ak rikapejnak rej leļok ñan ānbwin ajiri eo im kauwe kein ebwe joñaer im ewōr wūnin kar leļok ñan ānbwin ajiri ilo kajimwe/katakin mwilin ajiri eo. Kakkure ilo lāj eban jermal ñe jidik wōt iien an ajiri eo metak ak kōnjen (*mark*) kinej ko emōkaj aer jako

im metak kab kōnjen kinej kein rej itok jen kar dāpiji/limi/kōbōjrake/kalbuuji. Kinej ak metak ko jeban ṅae-etaer kakkure ilo lāj elaññe:

1. Armij eo ej dāpiji ajiri eo ej juon rijerbal in opij ko an kien im emōj aer kemālimi bwe en maroñ ak ewōr an laijen iumin kakien eo ṅae-etan Child Welfare Agency Licensing Act;
2. Agency ak opij eo ewōr an kakkien ikijien wāween dāpdepiji/limi/kabōjrak ajiri ;
3. Ejjeļok bar juon wāween eman ijjeļokin wōt kabōjrak ak dāpij /limi ajiri eo;
4. Ajiri eo ekauwōtata kinke emaroñ mane/kakkure e make ak ro jet;
5. Armij eo ej dāpij/kabōjrak ajiri eo emōj an kōmmālmel ak bōke kilaaj in ekatak wāween dāpdep/kalbuuj/kōbōjrak/limi ajiri ro, wāween kōnono in kaimedļok būr wōn ajiri eo, im kōl ko ñan kōbōjrak boktak im tūraboļ ko;
6. Aetokan kūtien dāpij/kalbuuj/kōbōjrak/limi ajiri eo en juon iien eo ewōr wūnin im tokjen ; im
7. Kilen dāpij/kalbuuj/kōbōjrak/limi ajiri in en ekkar ñan iumin kakien ko an agency eo.

Kauwe/katakin ko rekkar iumin kakkien, im kōmman in juon jinen/jemen ak rikapejṅak , rej aikuij in kauwe rōt ko me reban kwowaļok kōnjen kinej ko redejoñjoñ kab metak ko redejoñjoñ. liō, jaij, kab jōkjōk in ājmuur eo an ajiri eo, im itu ia kinej eo ekar waļok ie kab ewi ikutkut in kinej ko an ajiri eo renej jepe eļaññe kain kauwe ko kwōkar leļok remālim ke iumin kakien ke ak ebwe ke joñaer.

Łoār ijitōñ in jāj eo (*Attorney ad Litem*) – Juon ļoār eo emōj an jāj eo kǎālete bwe en pinej-jenkwan ajiri eo ilo an pukōt wāween ko remantata ñan juon ajiri eo emōj loe ke ewōr jerwaan kar waļok ñan e ilo an kar pād im atartar iumin pein ri-alal.

Baamle (*Family*) – Juon ri-turin, jinen/jemen, ajiri, jein/jatin, ak juon eo nukwin bar juon kin bōtōktōk ak kadkad; bareinwōt baamle eo ekar kiotak e ajiri eo, juon baamle eo kien ear jitōñe, ak baamle eo ekar kaajiririki.

Bọq-in-mour eo an ajiri eo (*Lifebook*) – Bọq eo an ajiri eo ilo tōre eo ej pād iumin pein ri-alal (*foster care*). Emōj karōke bwe bọq in en rekoote an ajiri eo rūttoļok, an jikuul, im aolep makūtkūt ko an ilo jukjuk-in-pād eo ilo tōre eo ekar jako jen turin baame eo an.

Jerwaan (Neglect) – Kōl ko rejerwaan ak likjab ko an jinen/jemen, rikapejṅak, ri-oṅake, ri-alal, ak jabdewōt armij emōj an jinen/jemen, ri-kapejṅak, ri-oṅake ak ri-alal ro kappeiki ak lōke bwe ren kōjbarok ajiri eo. Bareinwōt rein jet ak ejab ede rein, emaroñ wōr aer edo ñan ajiri eo: juon rijerbal jen mōko imōn kien (*public*) ak mōko makmake (*private*) an ro jet, imōn kaajiriri ajiri ko (*daycare*), jikuul ko an kien/an jikuul ko jet makmake (*private school*), ak jabdewōt ro ilo iumin kakien, ro me state ej kile ke ej aer edo in lale ājmuur eo an ajiri eo, bōtab jerwaan ejab jermal ñan ro pālele ippān ajiri eo kab jinen/jemen ajiri rōt eo emōj an mare (pālele). Jerwaan ej waļok ekkar ñan iumin kakien ñe:

1. Likjab ak makoko in bōbrae ajiri eo jen kakkure ko re-lāj ñe ewōr am tōmak ke ewōr wāween kakkure ko rej waļok ñane;
2. Likjab ak makoko in eleļok kijen, nuknuk, imōn, ak ka-taktōik ajiri eo, ijjeļokin wōt ñe ejjeļok an armij eo ej lale ajiri eo jāñ im ñe ejjeļok wāween jipañ maroñ leļok ñane.
3. Likjab ak makoko in bōbrae ajiri eo jen jojoļaar, kakkure ko re-lāj (*abuse*), tape (*peru*) ajiri, ājlor (*kōmakokoik ajiri eo ilo kōnaan ko am makmake*), jerman, ak bōbraeiki ajiri eo jen jinen/jemen ro reñak lale nejier.
4. Likjab ak jab lolorjake aikuj ko an ajiri eo, ilo ānbwin, ļomṅak, im eñjake kab aikuij ko an ajiri eo koba in likjab in eleļok imōn, mweo me ejjeļok kauwatata ñan ājmuur im kōjparok eo an ajiri eo;
5. Likjab in lale, nīknik iki ajiri eo, japoot (*support*) ko rekkar ñane, ak taktō, mwijmwij, ak madmad ko jet raurōk ñane;
6. Likjab, jekdon ñe ewōr kar am maroñ in, bōk edo ñan lale im oṅake ajiri eo ak pād ilo iien kweiļok ko ñan karōke edo ko am .
7. Likjab ñan ajiri eo im kōmman bwe ajiri eo en make iian ak edik an iio ilo tōre eo im ejjekar an kar make iian, im ājmuur eo an epād ilo kauwōtata.
8. Likjab in mejek(*waje*) e ajiri eo, jekdon ñe epād jinen/jemen, rikapejṅak, ri-oṅake, baamle in alal eo, ak ro me emōj leļok lōke ñan er bwe ren lale ajiri eo, am jab mejek e elikit ajiri eo ilo kauwōtata.
9. Likjab in lolorjake bwe ajiri ro ikōtan iio 6 im 7 ren deļoñ ilo jikuul ak ren jikuul ilo imweo imōn ekkar ñan kakkien ak elaññe emōj aer joļok/kabōjrak an jikuul itok jen jermal/aepādpād ko an jinen/jemen ak rikapejṅak.

Rekoot in Taktō (Medical Passport) – “Medical Passport” ej juon rekoot jidikdik eo epidodo an jabdewōt maroñ waak (riiti) e, im ej kwaļok jidik kin ājmuur eo an ajiri in, bwe ro rej lale ajiri eo kio kab ro renaaj lale ilju im jeklaj ren kōjerbale.

lien Kweiļok (Staffing) – Juon kweiļok eo emōj kōmmāne nan lale koṇ (*plan*) ko kar karōke ilo keej eo am, bar lali aikuj ko an ajiri eo im baamle eo, im lolorjake bwe en wōr wōnmanļok ilo jermal ko ñan kōtōpar ko an koṇ (*plan*) eo an keej eo am. Kweiļok in enaaj kōmman ippān jinen/jemen ajiri eo, ro jein/jatin ajiri eo, rijermal eo an Family Service im jabdewōt ro jet rej bōk kuṇaer ilo mour eo an ajiri eo.

Wōn Ro Kwōj maroñ Kepaak:

Rijerbal eo an Family Service _____

(Family Service Worker)

Nōmba in Jerbal eo An _____

Nōmba eo ñan lien Ko Rejidimkij _____

Bọj eo an rijerbal eo an Family Service _____

(Family Service Worker's Supervisor)

Nōmba in Jerbal eo An _____

Nōmba eo ñan iien ko rejidimkij _____

Bọj eo an bukwōn eo Opiij eo an DCFS ej pād ie

(DCFS County Supervisor)

Nōmba in Jerbal Eo An _____

Nōmba Eo ñan iien Ko rejidimkij _____